



Ukuhlomisa izingane zethu
ngelikusasa

SS 2

Isihloko sesifundo: INhloko yabaPhostoli yethu

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **INhloko yabaPhostoli yethu**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le-SS 2. 2.4: Uyacelwa uthinte uThisha wakho we-SS 2 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezeluleko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-SS 2 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	INhloko yabaPhostoli yethu
Umbhalo weBhayibheli	NgokukaJohane 6: 22-69 Izenzo 2: 42 NgokukaLuka 24: 36-49 NgokukaJohane 20: 21,23 NgokukaJohane 21: 1-17
Inhloso yesifundo	Izingane ziqaphela ukuthi ziphephile ekunakekelweni yiNhloko yabaPhostoli. Bafunda ukuthi mkhulu kangakanani umsebenzi wakhe futhi baqinisa ubuhlobo babo naye.

Isifundo esifingqiwe:

Ngemuva kwePhentekhosti, abaPhostoli baqhubeka nokushumayela ivangeli lokuvuka kukaKristu futhi kwasungulwa amabandla okuqala.

UJesu wabonakala kubaPhostoli eJerusalema. Wavuselela ukugunyazwa kwabaPhostoli ukuba basebenze ngokwegama laKhe futhi bamemezele ukuthethelelwa kwezono. AbaPhostoli bethu bayizithunywa zikaKristu futhi banamagunya afanayo, njengasezinsukwini zakudala. UJesu wayazi ukuthi abaPhostoli babengeke bakwazi ukufeza ukuthunywa kwaKhe bebodwa, ngenxa yalokho wasinika uMoya oNgcwele, osiholayo futhi nosinika amandla.

Sigubha umkhosi weSidlo seNkosi esiNgcwele ukukhumbula iNkosi uJesus njengoba wasifela futhi sizixhumanisa naYe lapho sigubha umkhosi weSidlo seNkosi esiNgcwele. AbaPhostoli babona ukuthi uJesu wayeyiNdodana kaNkulunkulu futhi bahlala bethembekile kuYe. Thina, njengabantwana bakaNkulunkulu, sikhuthazwa ukuba sihlale sithembekile kuJesu Kristu, ezincekwini zaKhe nasebandleni laKhe.

Siphinde sibuze ukuthi umPhostoli wokuqala wathunywa kanjani. UJesu wathi kumPhostoli uPetru amahlandla amathathu ukuba ondle izimvu zaKhe. Ngendlela efanayo naleyo uJesu athume umPhostoli uPetru njengomelusi wamabandla ezinsukwini zakudala, yindlela efanayo uJesu athumele ngayo abaPhostoli bethu abangabelusi bethu namuhla.

INhloko yabaPhostoli yethu ingumelusi wethu osihola ngobuhlakani futhi asiqondise. Usithanda sonke futhi uthandaza kuNkulunkulu ukuba asigcine futhi asibusise. INhloko yabaPhostoli iyaqhubeka nokugcina umbono webandla lethu, okungukuthi, ibandla lapho bonke abantu bezizwa besekhaya futhi bekhuthazwa nguMoya oNgcwele kanye nothando lwabo ngoNkulunkulu, bahlelembise izimpilo zabo nevangeli likaJesu Krestu futhi ngaleyo ndlela bazilungiselele ukubuya kwaKhe kanye nokuphila okuphakade.



Ingabe sisho ukuthini lesisifundo kithina namhlanje na?

- Ngendlela efanayo naleyo uJesu athumela umPhostoli uPetru njengomelusi wamabandla ezinsukwini zakudala, kungendlela efanayo uJesu athumela ngayo abaPhostoli bethu abangabelusi bethu namuhla.
- INhloko yabaPhostoli uJean-Luc Schneider uholo isonto lethu namuhla. Uyasithanda futhi usondla ngokusifundisa ivangeli nangokuthethelela izono zethu egameni likaJesu, njengoba egunyaziswe nguKristu uqobo lwaKhe, futhi ngenxa yalokho siphephile kuye. Uqinisekisa ukuba bonke abantwana bakaNkulunkulu bathola lokho abakudingayo ngokuphila okuphakade.
- AbaPhostoli bethu bayizithunywa noma amanxusa kaKristu, abaqondiswa nguMoya oNgcwele. Ngakho-ke, kufanele sihlale sithembekile ezincekwini zaKhe nasebandleni laKhe.
- Kufanele siqhubeke nokuthandazela iNhloko yabaPhostoli yethu ethandekayo, njengoba enomsebenzi omkhulu wokuqinisekisa ukuthi sonke sithola esikudingayo mayelana nempilo yaphakade kanye noBaba wethu osezulwini.

Eminye imibuzo esingayibuza:

Q: Ngubani umalusi wethu, futhi oholo ibandla lethu namuhla na?

Impendulo: INhloko yabaPhostoli uJean-Luc Schneider

Q: Ngubani osiza iNhloko yabaPhostoli yethu ngemisebenzi yakhe futhi afeze ukuthunywa kwakhe namuhla na?

Impendulo: UmPhostoli wesiFunda wethu nabaPhostoli, kanye naboPristi bethu. UJesu Kristu noMoya oNgcwele bahola futhi baqondisa izinceku zethu.

Q: Yimiphi eminye imisebenzi eyenziwa ngabaPhostoli namuhla na?

Impendulo: Ukugcotshwa ngoMoya oNgcwele / ukuBhaphatiswa okuNgcwele / ukuthethelelwa kwezono / ukugcoba abasizi njengabaPristi namaDikoni.

Q: Yini ongathanda ukuyibuza iNhloko yabaPhostoli ngolunye usuku na?



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
